

NEWSPAPER CLIPPING

Date	6 April 2013
Title	Kredibiliti Uniten diakui
Publication	Utusan Malaysia (Gerbang akademik)
Page	10

6 APRIL 2013 • ITIHAN MALAYSIA

Membekal tenaga pakar masa depan

Kredibiliti Uniten diakui

UNIVERSITI Tenaga Nasional (Uniten) merupakan antara universiti swasta pertama yang ditubuhkan di Malaysia. Ditubuhkan pada tahun 1996, ia kini menawarkan program akademik dalam kejuruteraan, teknologi maklumat, pengurusan bisnes dan bidang-bidang yang berkaitan.

Walaupun dianggap sebagai universiti baharu, Uniten bergerak pantas untuk menjadi sebuah institusi pengajian tinggi (IPT) yang disegani di Malaysia dan juga

di rantau ini. Malah, kredibiliti Uniten diakui lepasan Sijil Pelajaran Malaysia (SPM) dan ibu bapa yang ditemui pada Hari Terbuka Uniten, baru-baru ini.

Untuk mengetahui kekuatan Uniten, wartawan Utusan Malaysia, **RAJMAH HASAN** dan jurugambar, **FAIRUZ IZYANA AYUB** berpeluang menemuramah Dekan Kolej Kejuruteraan, **PROFESOR DR. MOHD. ZAMRI YUSOFF** dan Dekan Kolej Pengurusan Bisnes dan Perakaunan, **MOHAMMAD SAKARNOR DERIS**.

UTUSAN: Daripada segi penawaran program, apa yang membezakan Uniten dengan universiti-universiti lain di negara ini?

MOHD. ZAMRI (MZ): Umun tahu, TNB adalah salah sebuah syarikat utiliti bekalan elektrik yang terbesar di Asia Tenggara. Sebagai sebuah syarikat berkaitan kerajaan (GLC) di negara ini, pengaruh TNB memberi kelebihan kepada Uniten untuk menjadi kerjasama pintar dengan pihak industri dalam memastikan kandungan program-program akademik yang ditawarkan adalah selari dengan dengan keperluan industri semasa supaya graduan mempunyai nilai kebolehpasaran tinggi.

Antara usaha dilakukan termasuk menubuhkan panel penasihat industri untuk setiap program yang dipengerusikan sendiri oleh naib-naib presiden bahagian-bahagian utama TNB bagi mengadakan mesyuarat dengan pihak industri sekurang-kurangnya dua kali setahun bagi mendapatkan input terkini keperluan industri.

Selain itu, kebanyakan pensyarah di Uniten berkecualan tinggi iaitu pemegang ijazah doktor falsafah dari universiti terkemuka luar negara dan mempunyai pengalaman dalam industri terbahit.

Keistimewaan pelajar dan pensyarah di Uniten ialah mereka berpeluang menikmati pengalaman dalam bidang industri menerusi latihan di TNB dan anak syarikatnya. Malah, pelajar tahun akhir juga berpeluang mengendalikan projek sebenar industri bagi menguji keupayaan dan menyerahkan potensi mereka.

MOHAMAD SAKARNOR (MS): Uniten menyediakan pendidikan berkualiti ke arah melengkapkan pelajar untuk mengisi jawatan dalam bidang perindustrian, perdagangan dan pendidikan. Semua program akademik Uniten dirancang mengikut dasar.

prosedur dan standard disediakan Agensi Kelayakan Malaysia (MQA).

Beberapa program khususnya perakaunan diiktiraf oleh Institut Akauntan Malaysia dan *Malaysian Institute of Certified Public Accountants (MICPA)*.

Pada peringkat antarabangsa pula, program Ijazah Sarjana Muda Perakaunan (Kepujian) diiktiraf oleh Association of Chartered Certified Accountants (ACCA), Chartered Institute of Management Accountants (CIMA) dan Institute of Chartered Secretaries and Administrators (ICSA) - kesemuanya dari United Kingdom (UK) dan dari Certified Practising Accountant (CPA) Australia.

Bagi memastikan program ditawarkan bersifat global, Uniten mengambil inisiatif menjemput pemeriksa luar seperti Australia, Taiwan dan UK untuk menilai silibus dan kertas peperiksaan yang dibangunkan Uniten.

UTUSAN: Setiap tahun, ramai graduan dilahirkan. Justeru, lambakan cerdik pandai dalam pasaran kerja bakal dijangkakan. Bagaimana pula peluang graduan Uniten sendiri?



DAYANG Nur Asyurah Abu Hashim, Yap De Kern dan Lalitharani a/p Sandru menunjukkan surat tawaran kemasukan ke Uniten pada sesi Hari Terbuka Uniten, di Kajang, baru-baru ini.

MZ: Untuk program kejuruteraan, Uniten diletakkan dalam Tier 5 (Cemerlang) di dalam D-Setara (*Engineering*) baru-baru ini. Kedudukan diperoleh ini hasil kaji selidik dilakukan oleh pihak Kementerian Pengajian Tinggi termasuk ke atas majikan tentang prestasi graduan kejuruteraan Uniten.

Buat masa ini, Uniten adalah antara universiti di negara ini yang menerajui kedudukan Tier 5 (Cemerlang) dalam bidang tersebut.

Pendidahan latihan industri dan program pertukaran pelajar ke luar negara merupakan antara faktor yang menjadikan graduan Uniten lebih menyerlah sehingga mereka ditawarkan pekerjaan oleh majikan sebelum tamat pengajian.

Ketika ini, kira-kira 90 peratus graduan Uniter menjadi pilihan majikan bukan sahaja dari dalam negara, bahkan dari luar negara. Malah, ijazah mereka juga diiktiraf

oleh beberapa buah negara seperti UK, Amerika Syarikat, Australia, New Zealand, Jepun, Hong Kong dan Singapura.

MS: Disebabkan kursus yang dijalankan dalam bahasa Inggeris, menjadikan graduan Uniten menjadi pilihan majikan. Malah, jika mereka cemerlang dan mendapat keputusan gred CGPA 3.5, pelajar berpeluang mendapat pendapatan lumayan dalam pekerjaan mereka.

Faktor-faktor inilah yang menjadikan pelajar lepasan Uniten tidak menghadapi masalah untuk mendapatkan pekerjaan kerana bidang kursus yang kita tawarkan adalah bersesuaian dengan kehendak semasa.

Justeru, ibu bapa tidak perlu ragu dengan pasaran kerja anak mereka kerana di Unites, pihaknya memberikan terbaik kepada pelajar termasuk akademik dan prasarana supaya mereka boleh bersaing.

APA KATA MEREKA



"AYAH, Omar Abdullah, tahu apa yang terbaik buat saya, justeru, atas nasihatnya, saya mendaftar untuk mengikuti Program Asas Pentadbiran Bisnes di Kampus Uniten Sultan Haji Ahmad Shah, Pahang. Ayah yang juga kakitangan TNB yakin Uniten dapat menyediakan peluang pekerjaan kepada gradannya pada masa depan".

Lepasan SPM, Nur Faezah Omar, 18, dari Klang, Selangor



Salah seorang saudara saya merupakan graduan Uniten. Melihat dia kini sudah berjaya dalam hidup dan mendapat pekerjaan bagus mendorong saya untuk mengambil jurusan Kejuruteraan Mekanikal di universiti ini. Saya sangat gembira kerana inilah untuk belajar di Uniten akhirnya tercapai".

Lepasan SPM, Haravin Marimuthu, 18, dari Kajang, Selangor



"Salah seorang bekas pelajar abang saya kini mahasiswa tahun tiga di Unites. Dialah yang mengesyorkan agar lepasan SPM yang berminat mengambil jurusan kejuruteraan supaya belajar di sini kerana banyak syarikat besar berminat menawarkan peluang pekerjaan kepada graduan Unites. Atas nasihat abang, Looi Che Fok, saya mendorong anak, Loo Jun Jie, 18, mendaftar Program Kejuruteraan Elektrikal di sini".

Peniaga, Looi Chen Fatt, dari Kajang, Selangor